

96094

第柒冊

卷十四
卷十五

人物志
人物志

平
湖
縣
志



平湖縣志卷十四

署知縣張力行纂修

人物志 五

列女

明

魯氏名淑清嫁於楊永樂丙申夏倭寇海鹽武原鄉掠之去抱一子委之曰幸天活我兒遂躍入水死時年二十一所棄兒卒無恙

李斷女諸生李金女居乍浦嘉靖間倭入寇父

平湖縣志

卷十四 人物 列女

一

攜之行女度不免乘間投河死阮學使勒石海

濱曰李斷女死節處

俞氏陸美妻倭寇至將逼其居美適外出俞亟渡河深不可涉美弟與僕欲援以手俞厲聲曰死即死耳手焉可執竟溺死

沈氏毛文光妻遇倭投水死

倪烈女年十八未字嘉靖間倭寇臨城以麻纏身自誓必死倭逼之度不免給曰以鼓樂迎我當從若乘間赴水死倭啣之以鎗攢刺水為之

赤

烈女六人俱嘉靖中死於倭童氏後所郭臣妻
投池死柳氏軍人暉之女一女二女軍人陳起
女俱投井死沈氏軍人表之女周氏舍餘戴鑑
妻俱投河死又俞姓者匿承塵上見倭掠一女
頭觸門而死俞義之不易其門

楊氏楊垣女年十八嫁毛徵三年徵亡翁姑諷
之易志即自縊死沈圻作詩弔之

按省志作陸氏陸垣女名

婷

平湖縣志

卷十四

人物

列女

二

趙氏賈人張一鵬妻鵬疾革訣曰慎勿更嫁賈
者氏哽咽不能語自指其心與幼兒者三鵬死
慟極乳枯兒亡遂自縊死

陸氏過明堂妻年二十一夫歿終七自縊死

鍾氏馮僕蔣元瑛妻婚一載瑛死氏請作新婦
塚姑不許至夜自縊死

趙烈女進士邦秩孫女字嘉邑生戴裕津未婚
歿氏號哭求歸夫家營兩穴穴成自縊死遂合
葬焉事聞建坊

朱四女邑民朱炳女年十六許姚氏未婚父卒
依寡母有欲私之者數挑之女痛無父之女爲
人所凌至夜縊死父櫬旁

趙氏馬維金妻夫死氏纔二十歲欲自盡翁泣
曰金有孤在迺少進水漿姑病氏籲天燒指願
以身代姑竟不起子亦夭遂不食卒

馬氏府學生俞王言妻夫死後哀毀絕粒三閱
月而卒年僅二十一

張氏刑部主事俞乾妻乾前妻子女五人張撫

如已出年二十四夫亡生子二方襁褓闕室懸
夫像奉祖姑金同處時海寇入境張厲白刃置
懷中祖姑問之曰脫有急以此死耳寇躡其舟
不能及守節三十餘年卒

平氏沈泓妻二十一夫亡孤甫一歲姑亦早寡
家無儲蓄親戚勸之嫁氏絕之養姑教子事聞
旌其門

費氏太學沈坪繼室二十一坪亡截髮毀容誓
不易志至八十五卒倭寇經其居曰此沈節婦

門也戒勿入姪維鑰維鑲並娶陶氏皆守節稱
沈門三節

戴氏庠生胡善妻萬氏胡慶妻善慶俱早世戴
年二十二無子萬年二十七有一男一女謀分
育之事聞賜旌

孫氏庠生張昊妻年二十四歸昊八月昊亡始
老喪明事之孝姑卒無依還依父母五十餘年
嘉靖間知府蕭世賢上其事詔旌之

戴氏庠生馬師伊妻婚未期伊亡守節至八十
四卒黃邑令旌之
王氏名淑安于韶妻未廟見而韶病韶卒誓不
再適從叔禮部王濬爲之狀錢溥羅杲沈燦沈
肆俱有詩又同時有張節婦者亦苦節五十年
云

平湖縣志

卷四

人物

列女

四

鄭氏海鹽吳寬繼室布政昂繼母也二十八而
寡以昂貴封太安人七十八卒嘉靖中表節
潘氏懷寀妻二十一案亡紡績養舅姑孫所學
登鄉薦年七十三有司上其事建坊

吳氏朱彩妻婚二年子甫期而彩卒歲饑至不能舉火翁姑令其嫁剔目剪髮至七十一卒知縣謝良弼旌其門

馬氏乍浦千戶王璽妻李氏舍餘劉環妻並以貞節受旌

劉氏庠生孫官妻官死無嗣繼子同祖髫年亦亡妻盛氏與劉同居嘉靖間倭入寇劉年二十盛更少皆誓必死困苦中兩婦相守三十年稱雙節云

平湖縣志

卷四

人物

列女

五

俞氏陳道常妻二十而寡無子翁姑繼歿嗣孫泰來幼從塾歸令誦所受書弗忘乃得食蚤歲登科苦節四十餘年御史聞於朝建坊

沈氏庠生孫洪範妻範年二十三卒繼姑頗悍曲意承歡養居四十年足不踰閭其媵吳氏張氏亦慕義守貞云

陸氏馮春暘妻嫁歲餘暘死翁以幼女女氏擇婿陸整整氏姪也乙丑成進士疏氏苦節狀巡按勘實詔旌其門翁有貳室顧氏節與陸同女

卽顧所出

俞氏過溱妻十九溱亡無子以兄子橋爲後年八十卒撫按旌之橋妻陳氏亦守節四十年橋子厚妻張氏張仰峰女厚卒勤苦自給課子力學成進士年七十九卒萬歷乙卯建三節坊馬氏馮嶼妻十八嶼亡八十六卒奉勅建坊陳氏庠生郭山妻年二十山亡子球甫三齡勤織以食奉姑甘旨而以粗糲與子共飯後雙目瞽年八十四卒

平湖縣志

卷十四

人物

列女

六

沈氏二女庠生沈維錕女長適馮叔原十九而寡卒年五十三次適鍾鳴升二十七而寡卒年六十二稱沈氏二節

劉氏沈民表妻年十九而寡貧無子縮衣節口積二十四年得數金葬其夫棺毀自整骨骼綿綴成形易新櫬以窆巡撫蘇茂相批給粟帛樊學使准立坊未建年九十終其婢阿妹姓江八歲事劉長贅婿吳良良死不復櫛髮人呼爲江鏞頭民表弟民志妻馬氏亦撫孤守節至七十

餘

過氏庠生過槐女楊日清妻年二十八夫歿事翁育子皆出手績至八十餘卒媳顧氏割股療夫夫亡三年喪畢絕粒死

趙氏庠生喻堯欽妻二十八欽亡一子二女俱襁褓嚙血鬢髮五霜不櫛所居土室有窺者輒以蘇衣敗絮塞之卽盛暑蒸鬱罕通風罅以壽終

馬氏庠生沈中燦妻年二十三燦歿襄三喪踰

平湖縣志

卷十四

人物

列女

七

五紀萬歷間署邑令喬給匾旌之

王氏曹一炯妻十九炯亡翁姑亦歿遂傾篋經

營三喪並舉年七十餘撫按兩臺旌之歲遺粟

帛奏請建坊

陳氏馮三鑑母二十一夫亡姑老子幼家貧甚

氏納子於懷雙手紡花以養姑姑死親爲覆土

鄰人哀其孝助之乃克葬年七十四卒

曹氏御史光孫女陸基侃妻侃好擊劍鬪雞事

遊俠氏每泣諫侃憎之至經年不相見未幾侃

亡氏年十九誓志四十年邑人哀之

沈氏朱呈祥妻二十八祥亡力不能殯飲食寢處不離棺側遇大風雨以傘覆其上雷震則侍立其旁越三十四年始獲葬三餐不給冬無重衣人共哀之王別駕造廬旌焉

沈氏庠生朱家柱妻二十八柱亡繼子廢產過半尋亦歿氏以所居爲世祠以已產供墓祭祖遺田則伯叔氏分掌之經畫有條苦志三十六年

平湖縣志

卷十四

人物

列女

八

曹氏庠生蔡炳勲母十九夫亡營葬掘地五尺許得一鐵環氏曰君德如環妾志如鐵敢不從遂絕粒姑力諭之強起至五十卒陸應暘爲立傳

張氏孫汀妻二十七汀死子枝茂甫四齡喪葬如禮年七十三卒未葬值火茂撫棺而號火尋滅人謂節孝之感

陸貞女孝廉光裕女字歸安蔣衍章章病願謝婚氏年十七泣請行至則章已屬纊矣日坐斗

室終其身萬歷間直指上其事旌如例

王貞女字海鹽吳中宰未嫁宰亡慟哭誓死遂歸吳未幾卒邑令旌之

曹貞女字陸在德未嫁德夭聞訃哭臨不肯歸遂蓬首斷髮與婢陳氏朝夕勤作葬其夫年六十餘陳婢亦終身不字云

錢貞女名冰庠生錢澹女許字陳龍馭馭死將葬潛著母髻拜堂下必欲會葬乃造墓所憑棺慟絕遂守志陳門翁以少子爲其後

平湖縣志

卷十四

人物

列女

九

吳氏庠生陸萬陵妻陵死子大禩甫髫哭父亦死氏負土以葬隣嫗誘之氏斷指拒苦節七十年卒

倪氏朱傳妻二十一傳以賈遊歿於楚奉姑撫子會族人欲奪其志持刀自刎鄰里驚報邑令優獎八十二卒霍兵憲旌之

張氏庠生沈瑞鑾妻蚤歲矢節邑令賴垓旌曰節壽

金氏孫獻策妻策早亡撫二子至七十卒羅縣

尹尙忠旌之

褚氏楊悌繼室元配徐氏生二子氏年十六歸悌亦生二子長邦慶次序二十七悌沒慶序皆幼兄嫂席捲其貲氏課子成立年七十八卒

陸貞女許聘嘉善張應祥逾年祥死翦髮鍵戶其嬭李氏亦嫠居相依以老邑令黃焰表之曰一門雙節

沈氏年二十歸孫岳匝月岳亡越四十餘年清操苦守如一日

平湖縣志

卷十四

人物

列女

十

馬氏庠生劉濂妻十七而寡翁陰納沈某聘其姑誘與俱出令女奴抱持過沈舟舟迅發氏投河不得仰天呼號須臾風雨晝晦疾雷擊舟舟欲覆沈懼乃旋舟還之事聞於縣縣令氏別居時氏父兄歿無可歸假寓一室不完苦壁每雨則危坐達旦以爲常或不能具糜率三四日不食隣婦強以食進之乃復食至七十餘竟不食死

沈貞女沈渭之女少字毛坤子將嫁其夫浪遊

不返翁許以更適女不從力請父母歸毛立後以節終其身

林氏陸潤黻妻年二十四黻亡撫孤樸成立樸又卒樸妻朱氏與姑營葬三世六棺並舉林姑倪氏妯張氏亦發居矢節

沈氏庠生沈邦佐女毛應鑾妻二十八鑾客死嶺海翁姑繼歿家奇貧撫遺腹至六十卒崇禎七年蕭按臺具題旌表

孫氏庠生沈猶龍妻二十一喪夫課子廷史彙符皆成立符早亡妻孫氏亦年二十一同矢節直指達部賜旌年七十七卒

紀氏太學張訥繼室訥先娶李氏生子思孝甫三歲紀年十九歸訥兩載訥死兄諷之嫁不從給歸將強適豪右氏知之夜昏黑持刀負子而走見二火若前導隨之走二十餘里晨至家力撫其孤嘉靖間太守劉良棟旌其門卒年八十

二

顧貞女許聘張洪遵年十七未婚而夫夭訃聞

往哭遂留夫家不一載翁姑詈逐之志益堅至五十七卒邑令賴垓旌之

陸氏庠生宏鍾女陳紫垣妻二十七夫歿七日不食父強起之破衣垢面五十餘年崇禎壬午有司旌曰孝節

龔氏沈宏恩繼室二十三而寡至八十四卒蕭邑令鳴甲旌之

陸氏全官妻二十一夫亡守節至七十七卒羅邑令尙忠旌之

平湖縣志

卷十四

人物

列女

十三

吳氏吳大成妻夫早卒守志四十餘年霍兵道雷鹺院旌其閭

倪氏張維城妻生子三月夫夭守節至七十二卒署縣徐旌之

金氏宋秀妻二十八秀亡守節至八十二卒萬歷間劉別駕旌之

陸氏太學沈瑞鑿繼室嘉善陸見池女生四子二女皆幼鑿以弟亡獨居鬱抑遂不起氏年二十九嚴寒作苦手足皸痂淚灑機杼間苦節三

十餘年至六十二卒

唐氏諸生袁萬域妻萬域歿唐年十九孤養醇纔六月唐撫教成立娶媳沈氏養醇亦早卒妾林氏生二子並幼姑媳孀居相依死守五十年郡縣咸造廬旌表人稱袁氏三節

潘氏庠生楊相妻年二十一夫卒遺孤僅數月氏屏膏沐奉舅姑備盡婦道年七十八卒

馮氏顧乃言妻事姑以孝聞乃言卒誓死守節奉姑撫子曲盡慈孝

平湖縣志

卷十四

人物

列女

十三

顧氏庠生姚筌妻筌亡顧年二十四撫繼嗣如已出守節五十五年

楊氏徐珙妻生子悅甫四歲珙卒楊年二十四翁姑年六十餘祖姑戴年九十餘仰事俯育綜理周至年六十七卒

陳氏胡天常妻年二十三而寡子甫一歲或諷之嫁陳仰天慟曰我胡門雙節如戴如萬者至今誦之獨至我爲失節婦何面目見祖姑於地下乃斷髮自誓卒年六十有六

顧氏司理陸府之子臺妻年十九夫亡守志家貧食力撫遺腹子成立年八十二卒

楊氏陸熾妻二十一守志家貧訓子及孫使成立苦節五十餘年

馮氏雲間觀察文所女太學張恒吉妻方伯春字彖婦方伯歿於任恒吉奉柩歸未幾亦歿氏年三十孤兒楚魁尙在襁褓氏上事庶姑中撫諸叔一一盡禮卒年五十有七

沈氏張廷瑚妻廷瑚卒氏年二十苦節自勵壽

平湖縣志

卷十四

人物

列女

十四

踰七旬

莫氏喻應麟妻應麟早歿氏年二十五家貧苦節自厲子泰徵道徵氏口授孝經年八十里中欲以節舉氏泣曰從一不二婦人庸行也何足以當大典人益高之

陸氏張行倫妻二十四而寡持身貞靜撫孤成立苦節五十餘年

屠氏呂治妻二十八夫殞事舅姑撫二子稱未亡人者三十八年

俞氏庠生劉垣妾寡言笑年二十二歸垣兩載
舉子甫週垣沒正室沈頗莊俞敬事如母苦節
至六十二歲卒

陳氏陸光耀妻歸耀三年而寡孝事舅姑撫遺
腹子成立閱五十餘年卒

沈氏張觀吉妻年二十九觀吉死翁年垂老繼
姑在堂孤兒應瑞甫週歲氏剪髮爪貯棺誓死
無他

張氏馬之驊妻之驊卒氏年二十五孝事姑嫜
勤課諸子足不踰闕者數十年

沈氏胡濂妻早歲喪夫守節不二教幼子友忠
刻苦成立忠子士相訓誨彌嚴成進士壽至百
歲有司旌其門曰貞壽贈太淑人

曾氏陸啟溶妻十七守寡哀慟喪明年七十一
卒

徐氏庠生沈麟徵妻徵亡遺孤彪甫七月翁姑
相繼歿氏拮据營葬守節四十六年及見四孫
五曾人謂苦節之報

宋氏陸瀾妻年二十一瀾亡遺姪得男亦亡父
母曰此天意也宋誓死不嫁事舅姑撫幼叔以
節孝聞詔旌之

姚氏俞相繼室二十而寡撫立嗣子可賢守節
五十年前妻女適陳常道五月夫故與氏共勵
冰操奉詔旌表

趙氏倪光道妻光道病卒趙方盛年遺腹子復
天提攜兩女母子相依守節三十年

朱氏趙志完妻年十七志完死無子氏毀容寢
處柩側淒風夜雨人鬼共居旣葬立嗣子撫之
如所生年四十九卒

馬氏張崇仁妻年二十夫死無子甘貧守志以
終

姚氏生員鍾鳴震妻適震不半載震亡無所出
苦守三十年足未嘗出戶外震弟鳴升以母視
之爲立嗣

沈氏馬曙妻年二十五夫亡沈伏地大慟誓以
死殉舅曰吾老矣不忍聞此聲沈恐重傷舅氏

心抑情止哭終身無喜容年五十九卒

朱氏王誠志妻嫁未幾誠志死育伯子維紀爲子督課耕織旦夕不倦年八十卒

蔣氏庠生陸邦俊妻年二十六夫亡守志無子卒年八十

鍾氏庠生施應期妻年二十三期以羸疾天氏哀慟呼號絕粒者七日姑勸之乃復食所生女適張寅家素封欲迎養之曰有先夫靈在何可去守節五十餘載

平湖縣志

卷十四

人物

列女

七

趙氏時勲妻勲早世氏守節三十二年

沈氏李文東妻十八生女二十而文東夭卽皈依西竺教年七十五忽辟穀數日無疾而逝

過氏王思忠妻年二十九思忠歿無子族人利其貲屢以訟事苦之氏堅不爲動抱族之應嗣者撫爲子教之成立布衣蔬食終身不改志

李氏俞二妻少寡守志知書義爲張酉陽女乳媪女亦早寡氏綜理其家氏壻陶鎔舉孝廉人言壻貴何不往依氏曰貧孝廉何暇食人且周

旋寡女久寧忍一朝捨去卒不往年七十餘以節終

張氏屠紹慶妻年二十一歸屠纔三載紹慶以疾卒事姑如母三十年如一日姑亡日夜悲號遂癆瘵不起

薛氏顧某妻十九喪夫冰糜矢志家貧已食糠覈以甘旨奉姑生養死葬不愧婦道

黃氏沈紹侃妻年二十侃夭無翁姑子女可倚無屋廬可棲築室墓旁以終其身

平湖縣志

卷十四

人物

列女

六

馮氏光祿陸萬源庶子大權妻權早天生母胡相繼死氏孝養殯葬一一盡禮撫權胞妹如己女捐奩出嫁

俞氏工部郎俞金女嫁沈某年十六夫死無嗣依父母以居苦節七十年卒

劉氏庠生俞懋賢妻年二十四賢死無子撫嗣子允承成名

顧氏海鹽人父所有宜黃令字陸僉事夢韓子堯俊所有無子以女爲子因贅焉堯俊幼孤家

亦落尋得療疾死氏抱堯俊弟之子爲子存夫
祀侍養父母終天無闕禮

沈氏馬孝廉印湖妻孝廉未第時每授經外郡
氏脫簪珥以奉舅姑及孝廉丁卯魁浙闈遽夭
折遺孤明瑞甫六齡嚴課之後登賢書壽七十
有五

周氏教授周鳳來女年十七歸王棟生二女二
十一夫亡朝夕坐卧柩側屏去鉛華年七十六
卒

平湖縣志

卷十四

人物

列女

九

馬氏庠生鄔科妻年二十三夫亡翁姑衰老織
紉以供喪葬之具預爲經理撫遺孤訓以義方
曰欲使生者無恨耳

袁氏庠生陳治安妻年十九守志子復天撫一
孫熒熒艱苦年八十餘卒

陸氏姚文治妻夫故方十九織紉以贍姑苦節
六十年卒

力氏陸鏗妻二十四而寡鏗死於讐慘被焚尸
氏令其子做孟復讐叩閻得雪女適金十九喪

夫並以節終

顧氏彭夢杞妻年二十二夫卒子之傳未及期上下無依矢志栢舟事姑以孝勤於操作艱辛五十年邑令龐霽旌其門陸方伯表其墓

孫氏馬惟德妻三十內撫孤守節五十外卒

莫氏庠生姚世直妻夫亡無子守節至五十外卒

張氏劉苑妻張氏沈燧妻曹氏陸定徵妻俱三十內夫亡不食死

平湖縣志

卷十四

人物

列女

二十

國朝

劉氏庠生嚴嘗妻嘗孝廉寅子寅客死東粵家徒壁立氏盡脫簪珥奉孀姑乙酉嘗病天氏年十八欲從死姑曰汝有遺腹不如立孤既而生子思位值歲饑氏織一布易米數升以給僅存田十畝又爲勢奪坐是益奇貧日雜糠覈而食教其子讀書成進士苦節四十二載康熙二十

九年題旌

施氏趙永吉妻事姑九年以孝稱姑死永吉哭

母卒氏年二十五無子鞠永吉兄子良嗣爲子
教訓成立冰操五十年康熙四十五年題 旌
陶氏沈仰日妻年十六于歸九載沈以哭生母
徐毀瘠而亡氏撫二子嶮岫成立事嫡姑二十
餘年尤謹卒年七十有六康熙四十五年題
旌

徐氏陸韜妻華亭徐文貞元孫女年二十六喪
夫子明經秉衡甫周歲教育成立執翁姑喪克
盡婦道孀居三十六載康熙四十六年題 旌

平湖縣志

卷十四

人物

列女

三

張氏何士彥妻庠生肇昌母二十四夫亡氏孝
慈兼盡守節四十八載卒康熙四十六年題
旌

戴氏程溥妻年十七歸溥二十六而寡翁姑垂
暮孝養曲摯歿後喪葬盡禮勤女紅延師課子
康熙五十二年題 旌

陳氏李子佳妻康熙五十四年題 旌

王氏庠生何士傑妻結褵歲餘夫亡有女僅五
十餘日忍死事姑姑歿獨任殯葬又爲夫經營

竈窻立嗣承祧女嫁蚤卒撫外孫成立守志四十餘年康熙五十六年題 旌

陸氏張天祺妻庠生陸深女年十七適天祺踰年而寡遺孤瑛生甫八月氏孝事舅姑教子有成戊子歲饑設糜濟貧守節三十年卒雍正四年題 旌

翠金施德望婢德望館於鄉惟翠金侍其妻年及笄性貞潔雖市易米鹽間出戶外未嘗輕與人言隣有馬四者欺其室無人一夕踰垣入藏

平湖縣志

卷古

人物

列女

三

七首至卧所欲犯之翠金驚呼馬懾以及翠金曰吾不畏死罵愈厲遂被刃死德望妻越牕走墜樓傷足里隣共擒馬聞於官按律抵罪雍正五年題 旌

金氏庠生張渭妻年二十八而寡遺孤甫四齡家貧賴十指以給冰操六十餘載雍正五年題 旌

顧氏唐肄修妻年二十歸唐三載肄修歿無子早夜操作孝奉舅姑立姪太學生徵鳳承祧苦

節三十三年雍正六年題 旌

周氏方鼎鉉妻年二十九夫亡歷六十年屏膏

沐孝事孀姑訓孤蟠源成立雍正六年題 旌

曹氏何兆楠妻監生曹士式女年二十歸何九

年夫故孀守撫孤子望書成立望書亦善體親

心入成均雍正六年題 旌

胡氏庠生趙晉錫妻知縣胡士章女年二十六

而寡撫孤雲會遊庠早夭氏率孀媳撫孤孫之

彌良珏入學雍正六年題 旌

平湖縣志

卷之四

人物

列女

三

陳氏庠生王肇基妻年十九于歸越五年夫歿

守志撫孤子成立教孫元士曾孫振烈輩俱讀

書自好年八十卒雍正七年題 旌

王氏高軒妻副使王藹女軒需次京府通判病

卒氏年二十四守節教子衡成立任福建糧驛

道雍正十年題 旌

吳氏鮑匡衡妻太學吳上華女年二十一夫亡

守節撫三齡幼孤昇成立雍正十年題 旌

方氏徐國榮妻年十七歸徐一載而寡事舅姑

克盡孝養教遺腹子玉瑞孫士欽俱有聲太學
守節五十四年卒雍正十年題旌

潘氏張瑋妻孝廉潘之昌女年十八歸張二十
九而寡撫子孚升成立入太學飲冰茹蘗歷久
不渝雍正十二年題旌

李氏太學洪士良妻年二十歸洪二十九夫故
孤子燿甫三歲教之讀書成立人稱賢母乾隆
元年題旌

朱氏庠生沈不負妾年十七適不負爲側室二

平湖縣志

卷十四

人物

列女

十四

十九孀守撫一孤二女教育婚嫁子方蕙讀書

遊庠克繼父志乾隆元年題旌

何氏屠德允妻年十七于歸二十一夫故無子

矢志守節孝事翁姑撫育嗣子成立乾隆元年

題旌

時氏過澤洽妻年十八歸過十年夫歿遺二孤
崧崧俱弱齡教養成立相繼遊庠年七十三卒
乾隆元年題旌

張氏陸瀟原妾瀟原清原弟氏年二十三適瀟

原爲側室二十七歲夫歿無嗣立志堅貞守節
三十四年卒乾隆元年題 旌

嚴氏監生張兆枚妻年二十一歸張未兩月夫
故矢志守節撫姪煒爲嗣恩勤教養不啻已出
乾隆元年題 旌

沈氏楊焮妻進士沈棻妹十九歸楊二十七發
居撫遺孤九雲及孫剛中等明經遊庠守節五
十二年卒乾隆元年題 旌

楊氏庠生沈南英妻年十五于歸越四年夫故
無子撫數月嫡姪爲嗣教育成立入太學守節
四十三年卒乾隆元年題 旌

朱氏張天佑妻生員朱辰女年二十一于歸四
月夫亡守志撫姪監生人鳳爲嗣守節五十二
年卒乾隆元年題 旌

陸氏貢生沈承泗妻年十八于歸二十三夫故
撫孤子廷棟成立冰蘖之操四十餘年如一日
乾隆二年題 旌

沈氏陸輝佳妻年二十于歸二十四孀守撫姪

廷襄爲嗣有聲庠序守節四十七年卒乾隆二
年題 旌

胡氏沈貞侯妻年二十二歸沈五月夫故無子
女栢舟自矢撫姪人儀爲嗣教之入學守節四
十三年卒乾隆二年題 旌

馮氏庠生吳光遠妻年十七歸吳二十一而寡
撫三齡孤女繼嫡姪琨爲嗣教養成立貢入成
均守節四十七年卒乾隆二年題 旌

高氏李唐侯妻年十七于歸十九夫亡守志撫

平湖縣志

卷十四

人物

列女

三

姪其昌爲嗣教之成立守節四十六年卒乾隆
二年題 旌

陸氏沈圻妻年十七于歸二十七夫亡守志撫
孤子鎰成立慈嚴備至守節三十餘年乾隆三
年題 旌

陸氏黃氏監生姚宏遠妾遠卒陸年二十八黃
年二十二陸無子黃生子培恩共撫教之入太
學乾隆三年題 旌

程氏鮑秉寬妻年二十于歸二十九秉寬客亡

撫五齡孤子連成立連又早世與媳程氏課孫
瑞遊庠旋貢成均乾隆三年題 旌

陸氏監生張培源妻閣學陸棻女年十九歸張
二十七婺居守節撫五齡孤子雲錦遊太學乾
隆三年題 旌

謝氏沈畿妻年二十歸沈甫十月而寡孝事舅
姑撫遺腹子金莖成立及孫道濟爲諸生守節
三十年卒乾隆三年題 旌

周氏趙文元妻年十九歸趙二十七夫亡守志
平湖縣志 卷十四 人物 列女 三

撫孤俊仁拮据教育俾入太學守節四十四年
卒乾隆三年題 旌

時貞女生員錢長庚聘妻年十八許字二十一
錢故未婚守節奉舅姑以孝稱乾隆四年題
旌

黃氏程光福妻年十七歸光福二十歲夫亡守
志無子繼姪大林爲嗣備歷艱苦以全貞節乾
隆四年題 旌

張氏周明道妻年十七歸明道三載夫故無子

事舅姑以孝聞迎養父母立姪宗瑚爲嗣乾隆
四年題 旌

林氏庠生陸垣妻林雲參長女年二十三于歸
二十八發居守節撫三歲遺孤祖錫教養成立
以選貢入成均乾隆四年題 旌

王氏徐孚吉妻年十八于歸未一載夫亡守志
撫六齡姪松爲嗣乾隆五年題 旌

陸氏庠生沈源昌妻太學陸炳勛女年二十歸
沈二年源昌歿孤子垣生甫四月氏教育成立

平湖縣志

卷十四

人物

列女

三

乾隆五年題 旌

林氏陸墉妻林雲參次女年二十于歸三載夫
亡守志孤子天錫甫周歲教養備至舉孝廉與
姊氏並稱賢母乾隆五年題 旌

倪氏庠生施堪妻年二十于歸二十九發居守
志撫孤欽瑜爲諸生早歿教孫元美輩成立乾
隆五年題 旌

沈氏陸芳嶸妻年十八于歸甫三載而寡撫幼
孤大復王孫成立孫銘一領鄉薦守節五十九

年卒乾隆五年題 旌

俞氏唐洪學妻年十七于歸二十一而寡痛舅
姑早逝祭必豐潔無子繼姪克典爲嗣孳晝婚
娶經營窀穸咸盡禮乾隆六年題 旌

謝氏林勝先妻年十六歸林七載夫亡事翁姑
以孝聞撫育遺孤經營喪葬人無間言乾隆六
年題 旌

楊氏張秋鑑妻庠生楊馨聞女年十九于歸二
十二而寡撫孤垂裕成立入太學守節四十二

平湖縣志

卷古

人物

列女

三

年卒乾隆六年題 旌

沈氏徐維垣妻年十七歸徐十九夫歿無子撫
姪欽爲嗣教養成立孫藻入太學守節三十六
年卒乾隆六年題 旌

張氏庠生倪洵庚妻年十九歸倪二十三嫠居
守志孝奉舅姑撫遺孤本寧入太學修祠輯譜
以敦睦稱乾隆六年題 旌

鍾氏庠生倪洵甲繼妻年二十三而寡撫前子
彰采入太學采事繼母以孝稱孫見龍成進士

守節三十七年卒乾隆六年題 旌

金氏庠生倪廷鳳妻年十九歸倪二十七而寡
撫二孤親課之長藻垣舉孝廉乾隆六年題

旌

李氏曹念祥妻年十八于歸二十二嫠居孤永
昌甫二歲撫育婚娶迄于孫曾咸得成立守節
六十年卒乾隆六年題 旌

丁氏庠生馮元鼎繼妻年十八于歸二十四孀
居守節前氏子太鎔甫五歲教之成立乾隆七

平湖縣志

卷四

人物 列女

三

年題 旌

馬氏監生錢永昌妻年十六歸錢二十六夫亡
守志撫嗣子繼業成立紡織所積營葬先人無
失禮乾隆七年題 旌

屈氏徐宗渭妻監生屈朝陞女年十九適徐二
十九夫故撫四子成立三子入太學其季遊府
庠守節三十餘年乾隆七年題 旌

劉氏庠生張天裕妻年十九于歸三十而寡矢
志守節孝事邁翁撫孤子驥曾入太學乾隆七

年題 旌

陸氏庠生施明煬妻御史陸錫命女年十九歸
施二十八婺居守節撫孤堪讀書入學早卒乾
隆七年題 旌

陸氏附監生施滂妻年二十于歸二十七孀居
守節撫孤監生榮等成立治家嚴而有恩宗黨
遠近咸嘆服乾隆七年題 旌

張氏庠生沈玠玉妻年十七歸玠玉二十四婺
居守節撫遺孤修齡成立入郡庠苦節三十二

平湖縣志

卷四

人物

列女

三

年卒乾隆八年題 旌

徐氏張嗣森妻年十九歸張二十八而寡孝事
邁姑撫孤子成立教育四孫守節五十三年卒

乾隆八年題 旌

林氏太學陸秉琪妻諸生林浣女年十九歸陸
二十七夫亡矢志守節撫姪時燔爲嗣克紹家
聲乾隆八年題 旌

許氏朱泗妻庠生許莊女年十六于歸二十九
而寡守志撫孤長御藩早天次昇任太醫院乾

隆八年題 旌

張氏朱士選妻年二十于歸期年嫠居守節撫
姪紱爲嗣紱早世撫孫爲霖入太學乾隆八年
題 旌

朱氏紀嗣龍妻年十九于歸三載而寡撫二齡
孤成立孫應祚入邑庠乾隆八年題 旌

許氏陸秉謙妻韓氏謙妾也秉謙卒許年二十
六韓年二十一俱無子青年矢志撫猶子焜爲
嗣許卒年六十二韓卒年五十八並守節三十

平湖縣志

卷十四

人物

列女

三

餘年一女嫁孫文海韓氏出乾隆九年題 旌

吳氏孫尙涵妻訓導吳琨女年二十一歸涵二
十四夫亡子楷生纔六月矢志撫孤俾遊太學
守節二十三年卒乾隆九年題 旌

劉氏楊聲垂妻諸生劉嘉言女二十一適楊二
十五夫亡無子翁姑齒邁季又弱小躬代子職
置恒產若干畝資季娶妻生子嗣兄守節三十
一年卒乾隆九年題 旌

陸氏馮搏始妻貢生陸師韓女年二十歸馮八

載而寡撫嗣子之枚成立守節三十二年卒乾隆九年題 旌

錢氏沈漢侯妻年二十歸沈二十四發居遺孤子甫二齡教養成立守節二十六年卒乾隆九年題 旌

張氏徐德隅妻年二十七夫亡矢志孝事翁姑守節五十四年卒乾隆十年題 旌

馬氏孫孝思妻年二十五夫沒無子撫姪次興爲嗣守節三十餘年乾隆十年題 旌

平湖縣志

卷十四

人物

列女

三

姚氏戴凌臯妻年二十四夫亡立姪爲後守節三十餘年卒乾隆十年題 旌

李氏王茂昭妻年二十四夫亡遺孤承祖甫三齡撫養成立守節四十餘年乾隆十一年題 旌

方氏洪允迪妻年二十八夫歿撫子植教養成立守節三十餘年卒乾隆十一年題 旌

錢氏魯廷彥妻年二十六夫歿遺孤五齡氏上事翁姑下撫弱息姑目病齧以舌舐之而愈人

稱孝感守節五十八年卒乾隆十一年題 旌
唐氏呂鏗妻年二十而寡矢志不渝撫子成立
含飴弄孫守節五十三年卒乾隆十一年題
旌

呂氏戈洽枚妻年二十八夫亡遺孤五歲翁年
逾六十家貧氏身兼俯仰教子成立守節三十
三年卒乾隆十一年題 旌

陸氏庠生張東暘妻年二十八夫歿家貧盡棄
嫁時衣爲翁姑及夫營葬養殮不繼有勸其易

平湖縣志

卷十四

人物

列女

三

志者截髮自誓鄰媪遣婢饋以百錢斗米往返
再四卒不受嗣子又歿女嫁徐文獻獻又歿依
寡女糊冥鏹度日守節四十餘年卒乾隆十二
年題 旌

翁貞女十歲許字陳孟麟爲養媳越二年麟歿
呼天號泣儼若成人及笄兩家父母議遣嫁女
之死靡他奉夫遺骨築同穴手封焉守貞五十
餘年卒乾隆十二年題 旌

沈貞女盧儼思聘妻年十八夫亡未婚守節以

姪保士爲夫後守貞四十五年卒乾隆十二年
題旌

馮氏倪熙曾妻州佐馮堦女年十六歸熙曾甫
六月而寡送往事居無不合禮內政整肅足不
踰閭繼姪世培爲嗣教育成立守節五十年卒
乾隆十二年題旌

王烈女國學王永銓女許字邱尙懋未婚懋亡
女年十七欲奔喪父抑之女潛易縞素越半載
父亡服闋聞繼母有他議闔戶自經年十九乾

平湖縣志

卷十四

人物

列女

三

隆十三年題旌

紀氏監生趙啟妻年二十四適啟半載夫亡氏
紡績以事邁翁翁亡撫幼叔及長娶娣張氏二
年叔亡喪費俱出紀手娣亦守貞冰霜共勵推
姪遇隆爲嗣守節各三十餘年卒乾隆十三年
題旌

陸氏庠生俞鏌妻庠生陸魯瞻女年十九歸俞
二十三夫亡無子事舅姑以孝聞嗣子維翰婚
娶後子婦俱歿撫孫成立守節五十餘年卒乾

隆十四年題 旌

孫貞女候選同知孫芝山幼女許字胡宏源源
早歿氏年十七號泣奔喪事舅姑以孝聞姑歿
遺幼子溶齒纔齟氏撫養婚娶生子爲宏源後
守貞三十餘年卒乾隆十四年題 旌

王氏徐鶴林妻二十三而寡孝事翁姑子廷宰
甫二齡教之成立俾遊太學守節五十餘年卒
乾隆十五年題 旌

倪氏唐任之妻年十七歸任之七年而寡誓不

平湖縣志

卷十四

人物

列女

三

更適撫從姪蘭金爲嗣守節三十五年卒乾隆
十五年題 旌

孫氏程斌妻年二十歸斌二十六夫亡勵志守
節十八年而卒乾隆十七年題 旌

江氏劉永臣妻年十八歸永臣二十五夫亡遺
孤瑞齡甫五歲撫育成立守節三十七年卒乾
隆十七年題 旌

韓氏徐鼎妻庠生韓紹芳女年二十三歸徐二
十八夫亡子廷柱纔五齡氏終身茹素事姑盡

婦道教子遊庠守節五十九年卒乾隆十七年
題旌

沈氏陸朗亭妻年十九歸陸婚十七日夫暴亡
撫姪爲嗣守節三十四年卒乾隆十八年題
旌

褚氏陸覲揚妻年十七歸陸兩載夫歿勵志守
貞無子鮮伯叔翁庠生烜年逾五十家奇貧氏
鬻釵釧爲翁買妾生子蒼扶吳扶翁姑卒氏營
辦喪葬撫養兩叔娶婦後相繼歿吳扶遺三子

平湖縣志

卷十四

人物

列女

三

以長子鈺繼夫後守節三十餘年卒乾隆十八
年題旌

黃貞女國學黃調巖女許字姚培善年二十一
夫亡未婚守節奉養舅姑守貞四十六年卒乾
隆十八年題旌

萬氏貢生陸其煥妾年十九歸煥爲側室二十
四煥卒勵志不嫁嫡死遺二子基年堂年氏撫
養之二子復早歿氏保恤遺孤鴻鐘等成立守
節五十餘年卒乾隆十九年題旌

胡氏曹元臯妻年十八歸曹兩載夫亡撫繼子
大成成立守節二十五年卒乾隆二十年題
旌

王氏徐王臣妻年十八歸徐八月夫亡矢志不
渝撫姪爲嗣守節五十餘年乾隆二十年題
旌

盛氏陳載颺妻年十八適陳二十九夫亡撫孤
成立守節五十三年卒乾隆二十一年題 旌

湯氏馮光斗妻年二十二適光斗七載夫歿撫

孤子堯年教誨成立守節三十餘年卒乾隆二
十二年題 旌

張氏周楷妻二十七而寡時兩世未葬氏拮据
窶窶撫幼叔及遺腹子奐成立俾入太學守節
五十餘年卒乾隆二十三年題 旌

凌氏陳禹善妻年十九歸陳五月而寡無子姑
張氏老而病侍奉不離左右伯遺三子一女氏
怙恃之以姪永兆爲嗣娶沈氏復相繼歿撫孫
維璋成立守節二十一年卒乾隆二十三年題

旌

曹烈女字全永賢未嫁隣人朱文達閨室無人戲執其手女叱之朱遁去羞憤服溲死乾隆二十四年題 旌

陳貞女監生陳奎勳女字何世培未婚夫歿女年十七聞訃奔喪哀毀成服事翁姑以孝稱撫姪爲嗣守貞二十四年卒乾隆二十四年題 旌

何氏孫文炳妻年二十一適孫四載夫亡以死

平湖縣志

卷四

人物

列女

三

自誓翁姑潛爲備月餘乘閒投繯死乾隆二十五年題 旌

楊氏庠生卜錢禧妻楊巨源女年二十三適禧一年夫歿卽欲自裁祖姑沈氏姑錢氏力阻之氏曰薄命不辰奉養兩姑有諸叔在未亡人又無子不若相從地下姑知志不可奪防閑甚密寢食與俱元旦護者偶疎閉門自縊距夫死九十四日歿後六年以姪維城爲其後乾隆二十

五年題 旌

王氏陸學妻年十七適學四載夫亡撫子錫泰
口授經書俾遊庠營葬翁姑及父母經理詳慎
守節二十八年卒乾隆二十六年題 旌

屈氏監生陸銘鐘妻銘鐘以悼兒病歿氏立姪
升泰渭熊為夫後即于夫亡次日自縊死年三
十五後二子俱遊庠乾隆二十六年題 旌

朱氏林守憲妻守憲家貧舌耕以養父母暨祖
母氏歸晝夜紡織以助甫一載夫亡太姑與翁
相繼歿連遭三喪備嘗艱苦閱五月生遺腹子

平湖縣志

卷十四

人物

列女

四

原撫之成立入邑庠姑歿喪葬盡禮守節三十
八年卒乾隆二十七年題 旌

鄭氏歲貢生胡世棠繼室年三十三夫亡無子
立伯之次子為後登樓自縊家人覺而救之氣
已絕乾隆二十九年題 旌

羅氏張霄鶴妻年二十一適張二十五夫亡無
子依姪山雷附祀大宗守節四十六年卒乾隆
二十九年題 旌

俞氏錢榮世妻年二十二歸錢八載孀居撫孤

成立長子惇庸入太學守節三十餘年乾隆三十一年題 旌

孫氏邵六陶妻年二十二而寡撫從姪邵江爲嗣守節三十六年乾隆三十二年題 旌

陸氏太學沈嶧妻嶧亡年二十八遺子之焜之煥皆幼氏事姑撫子竭盡心力守節五十一年卒乾隆三十二年題 旌

王氏庠生張陸珍妻年二十一于歸五載夫歿翁姑垂老遺孤南頤甫五月氏孝慈兼至守節

平湖縣志

卷十四

人物

列女

四

十九年卒乾隆三十三年題 旌

張氏太學陳汝琳妻二十八而寡遺孤鍾杰甫七齡氏親授經書入邑庠守節三十二年卒乾隆三十四年題 旌

姚氏監生張恃天妻年二十四歸張未一載夫亡誓不欲生因有遺娠延數日子生夫殮畢乘衆倉皇闔戶自經去夫死二十一日乾隆三十五年題 旌

陸氏袁鈞妻太倉歲貢陸履謙女年二十五適

袁四載而寡遺孤淳甫一歲翁珂官比部郎假旋卒于山東舟次氏攜子星馳扶櫬歸葬口授孤四子書及長就傅督責尤嚴守節二十五年卒淳舉丁酉順天鄉試乾隆三十五年題旌

顧氏曹廷瑞妻二十二歸曹四載而寡撫遺腹子教養成立孝事舅姑守節三十一年卒乾隆三十六年題旌

萬氏沈文淇妻家貧紡績以供菽水事姑陸以孝稱年二十四而寡撫遺腹子國本及長子國楨成立國本繼夫弟文海爲後二子俱遊太學卒年五十有五乾隆三十七年題旌

徐氏生員邵銓妻孝廉徐上法女年二十四歸邵半載夫歿遺腹生女不育以姪澍爲夫後守節四十五年現存乾隆三十八年題旌

孫氏沈元洲妻元洲羅次令之鉞子氏考授州司馬孫培嘉女少讀書動依禮法結褵九載夫亡氏年二十五遺子發甫二齡教之成立有聲

費序守節二十四年卒發以子貴 誥封榮祿

大夫乾隆三十八年題 旌

施氏陸裕昌妻相國施鳳來女孫適昌十月而寡氏年二十四妾沈氏年十七俱有遺腹週歲殤立姪匡時爲嗣撫養成立施守節六十一年卒沈守節五十年卒乾隆三十八年題 旌

翁氏生員李默妻訓道翁維正女年二十三歸默未兩載夫亡守節孝事舅姑衣履皆從十指出父病歿氏一慟而絕越日始甦曰吾已隨父去忽聞人言姑病在家故亟歸耳及詢知果然

平湖縣志

卷四

人物

列女

三

立姪世壻爲嗣守節三十八年卒乾隆三十八年題 旌

王貞女生員王燦女年十六許字顧玉山爲室二十一未婚夫亡聞訃奔喪撫姪萬資爲夫後守貞二十二年乾隆三十八年題 旌

郁氏莊西成妻隣人魏二瞞成他出持刀潛入氏堅拒不從連砍被傷數日而死乾隆三十九年題 旌

陳氏監生吳宗僖妻年十七適吳四載夫亡守

節事姑以孝嗣子僅一齡撫之成立娶婦後子媳俱歿遺孫三歲復撫之守節三十餘年現存乾隆三十九年題 旌

高氏黃如楠繼室年二十三歸黃纔兩月夫亡撫遺腹子震入邑庠守節二十七年卒乾隆四十年題 旌

戴氏俞宗洙妻洙素有羸疾氏歸未一載夫亡閱三載伯宗伊生次子世楷撫爲嗣及宗伊夫婦相繼歿撫姪世椿世模如子世模痘殤世椿

平湖縣志

卷四

人物

列女

四

賴氏成立長伯宗洛無子以世椿爲後命世楷歸嗣宗伊氏遵附祀例依楷終老守節三十餘年現存乾隆四十年題 旌

陸氏監生吳鳳翥妻太學陸銘三女年二十一歸翥翥筮出也氏周旋嫡庶各得其歡甫一載夫亡無子擇夫從姪爲子守節二十五年卒乾隆四十年題 旌

陳氏張麟貞繼室年二十五適張二十六而寡敬事舅姑晝夜紡織立姪嗣夫後守節四十年

現存乾隆四十年題 旌

洪氏陸士俊妻歸一載翁歿俊居父喪哀毀成疾服闋遂亡姑戈氏就衰子維欽尙幼氏仰事俯育備嘗艱苦教子入成均守節三十餘年現存乾隆四十一年題 旌

王氏許宗藩妻年二十六夫亡遺孤汝賢汝鑑尙幼氏撫二子俱入庠守節二十四年卒乾隆四十一年題 旌

平湖縣志

卷十四

人物

列女

五

徐氏王學古妻避兵虹霓堰被執厲聲罵兵遂加刃焉閱十日獲其尸顏色如生邑令朱之翰上其事具題 旌之陸啟法趙韓俱有王烈婦篇

陸氏庠生俞光翼妻陸宏鍾女家奇窮居章蒲灣遇兵被執曰吾頸可斷身不可污引頸受創而斃懷有乳孩繞尸而啼行道爲之雪涕御史

秦世貞題

旌

二人題

分無考附此 旌年

劉氏庠生劉覽女適董學玘年十六避兵鍾溪遇兵竄身入水玘亦蹈焉明日兩尸相抱而出

沈氏林宏妻與弟妻徐氏俱避兵逃竄沈氏先
遇兵呼速殺我其翁匿稻塍中聞呼聲乃出拜
曰請宥我家佳婦兵嗤而槩之遂絕沈亦被鎗
死徐氏攜幼女溺水死宏弟驗之尙持女不去
懷下裳百結不能解宏妹爲江雲婦質健似男
子兵掠之以頭觸及入骨半寸許錚然有聲兵
舍之得不死

陸氏庠生俞醒妻媳徐氏俞欽亮妻遇兵俞家
帶同赴水死

楊氏李墩民馬二官妻兵入境驅之登舟卽投
河死明晨與馬慕南孫媳陳氏二尸浮出遂以
濕衣裹葬之

吳氏庠生楊春綠妻美而賢兵至欲污之氏以
手攫兵面面破兵以及斫兩手去罵不絕復割
其舌猶喃喃作聲乃以鎗刺之遂斃年二十
戚氏庠生陳銘妻避兵吳滙兵執其夫氏號呼
出救兵曰爾從我當釋爾夫氏遂揮手令夫去
乃隨兵行至一小橋自投於水兵急持其足氏

抱橋柱以身沒水兵怒以鎗攢殺之

盛氏陸宏錦妻遇兵至慧華菴側投於河被數鎗而死

馮氏費孟韜妻與母孫氏遇兵竝投松風港夫以手拯之曰不欲全我節耶遂溺死時年二十九

九

李氏奚允佳妻聞兵變預縫衣襟刺一人字於臂以爲誌兵至投水死

陳氏鄉民馮某妻居白潭兵至母女匿後畦被

平湖縣志

卷十四

人物

列女

七

獲氏不從遂殺其母曰爾如之氏曰寧死如母必不去兵連斫七刀而斃

查氏鄉民石天球妻居灣梁涇與姑同避棘中姑雙目瞽問曰兵過否婦急掩其口兵搜得之氏雄健有力與之角時兵不挾刃持梃擊之氏終不屈久而始斃

陳氏倪遷繼室庠生嗣調母遇兵投塘濱橋下死遷目擊不忍亦投水死

彭氏程青子妻年十九懷娠三月兵至大陸滙

投河死

俞氏貢生張蔚如妻避兵竹林間兵至欲污之
俞曰吾名家女義不受辱兵知不可屈殺之陸
上瀾有傳

岳綠雲太學趙志宗婢宗納之未幾宗死年僅
二十餘遣之嫁弗肯遇兵不屈被鎗死宗媳陸
氏亦投河死

郭氏太學周日芳原名士馨妻結褵半載遇兵
與夫同被執氏誑以取所藏金帛得脫謂夫曰
勢難相顧各自爲計遽躍入水死兵怒加刃焉
掠其夫而去後乘間歸

平湖縣志

卷十四

人物

列女

哭

陶烈女居虹霓堰許聘劉擊生年十三兵至女
與兩嫂俱被執女以手攀水車亭柱兵刀斫其
手更以足挽復斫其足遂仆地以刃貫胸死

陳烈女叅政九韶孫女字陸麟錫十歲而殤氏
亦十歲卽立志守節坐臥一樓兵至被獲至廳
事前抱柑子樹厲聲詬罵兵怒亂斫殺之猶抱
樹不脫時年三十一

鳳姊吳士璋女隨其母呂氏避兵橫河兵至被執負之行鳳姊嚙其項肉脫兵怒磔於道

蔡氏曹季臨妻年二十五遭兵難攜幼子走度不免投日暉漾越三日抱子出顏色如生

俞氏庠生君振女進士張樞次子豹烈妻丙戌五月兵勦白寇猝至被執氏投以簪珥意不滿欲牽之出牆氏力躍墮塹兵復迫之攀樹呼曰若不速殺我終奈我何兵怒殺之邑人趙韓爲立傳

平湖縣志

卷十四

人物

列女

吳

吳氏王爾榮妻榮負金陵客銅價客往索詬詈備至氏憤自縊死時順治七年也縣令劉秉鈞賜額曰帷簿干城

倪氏戈中襄妻進士倪籥元女夫歿撫訓三孤姑病割股療之順治甲午秦撫軍王學使給匾獎勵子三人皆能文

周氏庠生沈瑞銘妻年二十三而寡遺腹六月屢壓於伯姒氏了無怫志守節五十三年卒順治戊戌谷學使應泰旌之

徐春梅庠生曹璿婢居戈家溪璿年三十六婦
亡逾月璿亦亡時璿婦有子女二人皆幼春梅
年二十餘不再適以撫子女自誓僅存田九畝
璿兄屢逼辱之志益堅子女有過涕泣善道勤
苦十餘年家業稍聚爲子女婚嫁卒年五十八
時康熙四年也

施氏城中民家女九歲撫於外祖沈思椿十七
贅沈敬山六年夫歿思椿貧且有癘疾欲氏改
適不從服溲死時康熙八年三月也

平湖縣志

卷十四

人物

列女

辛

朱烈女母亡居喪次其姊婿突入帷欲污之遂
自縊死土人名其墓爲阿姨墩

趙氏出名族父許字高氏高起家微驟致富且
曾爲其外祖前馬女愧之將嫁自縊死

葉氏庠生楊景煜妻二十一喪夫遺孤兩月撫
養成立守節三十年卒陸學使旌之

馮氏陸壽龍妻二十喪夫撫遺腹子成立守節
三十六卒劉學使旌之

陸氏嚴詠妻二十八詠歿子簡甫五齡保家禦

侮守節五十七年卒康熙甲寅陸學使旌之
鄭氏沈杞楨妻年十九而寡無子嫠居六十載
家政肅然邑令朱之翰旌其廬曰蒼柏凝秋
張氏徐旻妻年二十五守節撫子隆元僅五歲
隆元事母克孝康熙甲辰朱撫軍昌祚胡學使
均給匾旌之

張氏顧元錦妻年二十錦亡遺孤瞻依甫三月
撫養成立早歲爲諸生邑令朱之翰旌之

謝氏陸元甫妻居廣陳元甫幼習儒不能耕遂
貧元甫死無子氏紡織度日歲屢饑無宗戚可
依或勸之嫁不肯至七十餘不能操作往依於
甥甥亦貧割破屋處之康熙十四年冬以饑寒
死明日其甥排闥見之乃藁葬焉

過貞女諸生過季商女幼字陸濬默喪母無恃
適陸爲養媳濬默殤氏抑鬱飲泣尋卒合葬於
六里墩

曾貞女乍浦曾宏功女許聘海鹽劉氏子未婚
夫死聞訃累日不食請於父母欲送葬因乞身

廬墓不許久之罹奇疾卒

沈氏庠生金光宸妻舉人沈日昆女乙酉春宸贅於沈氏年十七婚數日隨父避亂清溪宸居虹霓堰罹兵難氏晝夜號慟事姑撫繼子守節三十餘年卒

胡氏屠伯奇妻年十八伯奇夭守節七十餘年未嘗歸母家弟來省或不面其孤潔如此

倪氏庠生胡奕謨妻副使倪壯猷女賢孝通文墨年三十奕謨卽世撫子右寅右宏守節五十年卒

平湖縣志

卷十四

人物

列女

五

郭氏庠生張琳妻二十七夫亡無子奉翁命繼姪光震族羣爭之家遂貧守節三十六年卒

屠氏庠生顧炎妻屠猶龍女二十八炎亡遺一子三女子殤會父以事繫獄論死氏日夜號慟傾家救父守節三十年卒

姚氏沈夢騏妻乙酉夢騏歿於城中氏與子鉉吉避兵清溪聞變號慟誓死守節三十年卒

楊氏庠生林楓妻年二十四楓歿子喬甫二齡

氏冰蘖自矢積五百金捐建浮圖一級又甃龍
湫石磴守節五十六年卒

陳氏曹穎淳妻年二十二淳亡家貧三孤幼氏
仰事俯育守節三十七年卒

徐氏倪秉元繼室二十八而寡課子成立守節
三十五年卒

王氏馮子穆妻年十六婚數月穆亡家貧無子
女依父及兄嫂未幾皆歿撫姪成芳成立守節
五十三年卒

平湖縣志

卷十四

人物 列女

三

夏氏御史陸清原妾年十九清原殉難氏無子
女聞變慟哭矢志靡他苦節四十餘年卒

楊氏檢討屠象美妾象美歿諸姬皆竄去氏獨
守志子復亡爲女傅以終

趙氏庠生嚴從恕妻二十四而寡止一女族人
欲奪其志不屈及女長贅庠生江深源十年江
復歿遺二孤氏與女口授四書經義里中誦雙
節守五十五年歿年七十九其女先十年卒

沈氏過銘旂妻年二十七喪夫子亦亡與寡媳

王氏同居礪志守節五十六年卒銘旂姪庠生
澤永妻魏氏嘉善御史魏廷相女孫亦少寡婉
嫗端重每歲夫忌日懸像祭祀必慟哭失聲家
酷貧握冰履霜者四十餘年七十三歲卒
屠氏諸生楊淇園繼室康僖公會孫女夫亡無
子撫前女與已女及婢生女無異舊居二十餘
間鄰倪姓宦且富暗以厚價氏執不可乘亂劫
之以兵遂爲所并年八十九卒

徐氏張氏庠生沈棻妾乙酉棻罹難各撫一子
徐三十守節至五十卒張二十四守節至六十
卒張孫舉進士

鄭氏沈旭妻海鹽端簡公會孫女年十八歸沈
踰年夫亡撫遺腹子塘入郡庠復天遺腹生孫
又殤茹苦終身守節三十一年卒

孫氏金煥妻簡肅公會孫女二十孀守撫遺腹
孤手刪傳註訓之以壽終

王氏太學沈懋嘉妾年十八懋嘉亡無子依嫡
出兩寡媳守節三十餘年卒

李氏武生張晃子妻年十八夫亡事翁如父菽水資悉出十指力撫一孤方婚復天守節五十餘年卒

周氏沈生甫妻年二十二夫歿無子姑嫜憐之探其意凜不可易乃歲餼釜鍾爲膳歸依父兄姑嫜歿廩粟不繼茹荼坎珂不顧也年逾七十紡績食力如故守節五十餘年卒

趙氏馬子誠妻年二十五夫歿守節三十八年卒娣陳氏年二十一歸子誠弟石君六載夫歿守節六十餘年卒人稱馬氏雙節

陸氏施漢易妻年十八適施未期年夫歿無子依弟陸德山山亦赤貧氏恃十指爲活事繼姑呂氏盡禮足不出戶苦節六十二年卒

柯氏葛贊皇妻年十六適贊皇三載翁歿贊皇亦病亡子洪範生甫逾月氏奉孀姑撫幼子茹茶飲藥者六十三年何學使獎以勁柏蒼松孫元以武科入仕 誥封恭人孫琪復捷武闡

錢氏王轍妻庠生錢象乾季女年二十九夫歿

以姪錫嘏爲嗣甫五齡訓之成立爲諸生守節四十年卒

盛氏許贊玉妻年二十二夫歿氏閉居一室雖至戚罕睹其面撫遺腹子源教養成立邑令呂猶龍旌曰貞持足表王瑋旌曰柏節霜凝守節五十五年卒

顧氏劉孔嘉妻年二十七夫亡遺孤襁褓翁令改嫁不從抱孤歸母家備嘗諸苦及孤英三年十八始返舊廬署郡守王以和表其門曰節孝流芳守節五十七年卒

平湖縣志

卷十四

人物

列女

五

姜氏監生繆瞻侯繼妻年二十八歸繆半載夫亡撫前氏子女各爲婚嫁守節三十二年卒

朱氏費宗賢妻年二十三歸費一載而寡無後冰蘖自甘里人高其節咸請表揚氏輒泣謝守節五十年卒

馮氏陸友勲妻年二十八勲亡無子遺四女經營三喪四嫁守節四十八年卒

程氏戴源妻年十八而寡教嗣子懋成立爲諸

生乾隆八年彭學使表其門曰貞節慈徽

劉烈女陸若榮聘妻未婚若榮病瘵歿女年十九訃至幾不欲生聞榮柩厝東湖案山親詣哭奠憑棺痛絕家人救還遂絕粒卒

嚴氏陸其昀妻結褵年餘昀死痛哭欲自刎舅姑防護遂絕粒七日而歿年十九時康熙乙亥正月線中丞一信顏學使光敷給匾旌獎

李氏顧紹武妻監生李永彰女幼識大義及笄適顧未幾夫病奉湯藥惟謹比卒哀號欲殉翁

平湖縣志

卷十四

人物

列女

七

姑慰以善言爲立繼授產泣曰吾從夫死義也焉用此爲母氏苦勸不聽竟絕粒死

陳氏陸蔡妻年二十五夫亡無子矢志不渝守節四十九年卒

嚴氏庠生俞恩光妻夫亡守節歷三十餘年

劉氏胡培妻年二十一而寡紡織養姑守節五十年卒

馬氏庠生倪洵徵妻年三十夫亡教子亮采爲名諸生守節二十八年卒

曹貞女幼字陸某未婚夫夭號泣奔喪旣葬獨居一室五十餘載其婢爲所感亦終身不嫁徐氏馮耀叔妻適馮半載夫亡守節三十八年卒

周氏馮載揚妻二十二而寡守節四十年卒

顧氏吳郁章繼妻郁章業儒早歿氏撫孤耀晃

成立數十年足不踰閩遠邇稱之

按府志作其章

馬氏陳夢庚妻事姑孝御下有禮夢庚遊國學不問家計旣沒家甚貧氏厲志撫孤守節三十

平湖縣志

卷十四

人物

列女

五

餘年卒

姚氏王氏諸生沈信妾信卒二人年俱少無子誓死不嫁相依守志歷四十餘年卒

張氏沈鴻緒妻孝養舅姑夫歿教子義方力行衆善年七十九卒

丁貞女湖州丁元凱女字陸沈鯤鯤爲陸氏子幼撫於沈早歿女聞訃奔喪遂居鯤家事舅姑以孝立夫兄次子時煥爲後尋歸依其母不數年母死父相繼亡氏無所依依哀悴而卒垂絕囑

歸骨於陸距夫死蓋十年云

楊氏監生葛世楠妻年十八夫亡無子女嗣子
徵炳甫三歲撫之成立入太學守節四十九年
卒

沈氏庠生陸翼權妻年三十夫亡撫遺孤大章
成立入成均守節五十一年卒

宋氏朱仲生妻年二十一夫亡立繼承祧守節
五十六年卒

陸氏魯右昭妻生員陸虞一女年二十六夫亡

平湖縣志

卷十四

人物

列女

五九

撫幼孤周儒成立守節三十九年卒

姜氏潘彥公妻年二十七夫亡遺孤紹文纔八
月撫養成立紹又亡撫孤孫麟守節五十餘年

卒

徐氏曹方中妻年二十七夫亡無子孝養舅姑
喪葬以禮林縣尹以金玉其心獎之守節三十
八年卒

葛氏孫敘詒妻年二十五夫亡撫四齡孤紹聞
成立艱苦備嘗守節三十九年卒

梅氏李煜妻年二十三夫歿寡姑在堂幼孤在襁祿仰事俯育靡不從十指出不給以糠粃自食有老嫗以他婦改嫁事聞氏變色斥之苦節四十五年卒邑令王之琪太史陸奎勳大令陸培有詩紀其事

姚氏監生張承烈妻年二十九而寡撫姪爲嗣教之成立守節三十八年卒

屠孝女州同徐青選妻孝事舅姑得其歡心晚爲父母卜地建祠置田膳祭窀穸之費皆氏辛

平湖縣志

卷十四

人物

列女

卒

苦積成終身孺慕有古孝子風

俞氏太學施桂徵繼室年二十九喪夫家政肅然守節三十八年卒子明焜妻陸氏孫堪妻倪氏俱少寡守志稱一門三節

王氏庠生魯守貞妻薛氏魯從周妻竝年二十四撫孤至七十餘卒朱氏魯時隆妻亦嫠居事姑訓子賢能尤著年八十餘卒皆肅簡後也

王氏倪三省妻年三十喪夫奉姑課子守節二十八卒三省兄三聘妻馬氏二十九守節至

六十九卒稱雙節

俞氏庠生劉生直妻年二十一而寡家庭多故卒能孝事尊嫜撫立遺孤守節五十六年卒

陸貞女許字江耀武耀武死女欲奔喪爲親長所格毀粧茹素矢志守節有乞姻者女絕粒五日乃止及父母俱終將歸江氏越明年疾作而逝乃合葬焉

徐氏陸之美妻年二十三而寡撫孤時行守節三十八年卒

平湖縣志

卷十四

人物

列女

空

王氏朱之奇妻年二十五夫亡營翁姑及夫葬教子成立次子又夭復撫孤孫守節五十六年卒

王氏潘仁妻沈氏潘智妻住虹霓堰俱年二十外守志共撫一子守節三十餘年卒

周氏庠生戴上恩妻二十二喪夫撫孤成立守節三十餘年卒

吳貞女吳楫女許配劉氏子未嫁父母俱亡無兄弟依叔居紡績自給劉遠客不歸叔又歿年

幾三十遂至夫家事尊嫜克盡婦道爲夫弟婚娶又念父無子力營兩世窀穸年五十卒

張氏胡土方妻年二十六夫亡無子家徒四壁苦節三十餘年卒

柯氏劉輔俊妻結褵未久俊亡撫子士淳成立守節四十餘年卒

姚氏陸天武妻夫亡矢志撫三歲孤紡織不給以糶作糜無終歲飽十餘年後子漸長能治畦稍免凍餓守節四十餘年卒

平湖縣志

卷十四

人物

列女

三

沈氏庠生陸師朱妻二十六而寡教子廷元入學子又早世拮据荼苦守節三十四年卒

楊貞女父魯占幼許字諸生袁種玉子御龍未婚御龍卒魯占謀更適女杜門翦髮以死自矢守志十餘年卒之日涕泣告父請合葬袁氏子墓

倪氏毛九如妻二十四而寡三子皆幼或勸之嫁氏婉謝曰非不憂朝夕此事不忍爲且如恥辱何徹夜勤苦忍饑以哺諸雛苦節三十餘年

卒

馬氏金調之妾年二十二調之亡無子撫嫡子
肅菴如已出守節四十餘年卒

倪氏李瞻淇妻瞻淇赤貧而天氏年少無子值
歲饑常數日不舉火或勸改適輒涕泣自誓年
七十餘卒

曹氏李梅菴妻少寡家甚貧紡績奉姑守節數
十年卒

蔣氏杭永靖妻少寡家貧奉侍孀姑備極敬養

平湖縣志

卷十四

人物

列女

三

守節四十餘年卒

戚氏明運判陸潛九第八子妻歸陸甫期月夫
亡無子守節數十年卒

馬氏沈晷妻年二十四而寡性方嚴教子璜學
成爲諸生守節四十年卒

李氏李君實女年十八適王氏子夫亡叔欲奪
其志誓死不嫁戚屈希平妻沈氏亦蚤寡欽李
節迎養之沈卒其寡媳施氏承姑志奉養焉

陸氏劉廣乘妻明御史陸清原女孫年二十歸

劉五載而寡遺孤仔鉅年僅三齡家業中落勤苦操作守節二十六年卒斬學使讓旌之

俞氏陳璿繼室年十八于歸甫一載璿卒無子撫姪惟懋爲子守節四十五年卒

受氏何式次子妻夫亡欲以身殉舅姑止之始勉進饘粥撫育藐孤齋素終其身

胡氏諸生李儀妻孝事父母割臂療疾夫歿遺孤三齡撫之成立

舒氏范公烈妻年二十九而寡躬紡織撫藐孤

觀成艱苦備嘗得以成立苦節四十餘年卒

徐氏馮景暘妻年二十三夫亡家貧無子守節四十六年卒

倪貞女庠生倪鑒女性至孝少字同里胡氏子未婚夫歿誓不改適茹素終身年八十餘卒

王氏馬蒸妻王來聘女結褵十八日夫亡依姑母馮王氏同守節年九十餘卒御史陸炯題曰

雙節

林氏監生唐公蘭妻年十八適唐二十五夫歿

教育遺孤夔淵方登學舍相繼去世同媳王氏
陸氏三嫠苦守嚴勗季子喈鳳潛心力學以酬
氏志里黨重之

徐氏林文傑妻年十六結褵越二載文傑病篤
囑曰我母三十而寡撫我自三歲至今艱苦備
嘗我死後家貧無嗣汝能代我養母我瞑目矣
既卒氏苦節自矢歷三十餘年身居圭竇笑語
不聞戶外勤十指以奉姑厥後姑年八十目瞽
兼患癱瘓氏扶持調護不少懈姑歿獨力營葬

平湖縣志

卷十四

人物

列女

五

鄉里稱其節孝

吳氏孟世英妻年十八歸孟十載夫亡氏痛絕
復甦孝養翁姑喪葬盡禮贖墓田以供祭祀教
子其鑑其銓有成守節三十四年卒

俞氏庠生石嶽妻年二十九守寡繼姪末年爲
嗣教以孝友嫻睦守節四十五年卒

孫氏王叔林妻年二十三喪夫膝前無子堂上
有親以膳產爲墓田葬其舅姑以住房爲佛室
求其祠祭薙髮斷指終身不踰戶外俞太史兆

晟嘉其節孝署其門曰寶寧龕

馮氏諸生陸英標妻諸生馮秉寧女年二十適英標標以苦學致疾氏侍湯藥兩月不怠比卒哀毀踰禮時年二十六清操自勵守節三十餘年卒

曹貞女諸生曹蕭斗女許字同里俞文漢未婚文漢夭聞變嘔血痛欲身殉母氏曲慰之乃止母病七載奉湯藥不離母歿遂絕粒死郡邑哀其節孝徵詩輓之

平湖縣志

卷十四

人物

列女

矣

李氏沈梁妾梁五旬而歿李矢志貞守宗族勸之嫁誓死不允茹齋衣布苦節自甘年六十有三卒

蔣氏俞光業妻年二十六夫亡紡績養姑教育二子族有鬻墓傍田者氏出嫁時裝易金贖回捐作祭產守節四十一年卒

陶氏國學陸其爓妻年二十七爓歿撫幼子成立守節三十九年卒

湯氏盛寅公繼妻年三十而寡無子鬻衣貲房

產營二代葬守節三十七年卒

黃氏徐美斌妻年三十夫歿撫子建偉成立守節三十二年卒

楊氏潘永清妻年二十六夫亡孝事兩姑撫孤子成立守節三十九年卒

陳氏毛宗彥妻年二十九夫亡撫九齡孤成立年七十餘經理家事絕無倦色守節四十餘年卒

陸氏錢九洲妻年二十一夫亡孝事邁姑撫遺

平湖縣志

卷十四

人物

列女

七

孤幼女喪葬婚嫁皆從十指出守節四十八年卒

胡氏監生曹元臯妻年二十夫亡撫繼子大成成立守節二十六年卒

周氏徐大成妻年二十八夫亡事翁姑撫幼子教養成立守節數十年卒

金氏丁尙卿妻年二十七而寡子甫一歲以糠糝充腹撫藐孤稍長爲黃冠得膳以老守節四十年卒

朱氏俞懋德妻年三十夫亡苦志守貞歷四十五年而歿子啓祥娶馬氏夫亡守節四十一年彭學使以松筠繼美旌之

莊大姑長山村民莊耀昌女里有強徒曹大許殿宣乘耀昌他出夜操戈入室大姑不屈自經死時康熙戊子三月

徐烈婦年十七歸李載華李與徐皆蘭溪右族轉徙當湖于歸未幾舅姑繼歿自傷不得侍養盡出衣飾以營殯殮載華哀毀成疾不一載亦

平湖縣志

卷十四

人物

列女

六

死氏時年二十撫孤又殤浼其族人返葬三喪于蘭溪乙未清明日哭奠其夫闔戶自經死太史陸奎勲有傳

張氏陸彪勲妻年二十二夫亡撫孤守志子復殤以姪爲嗣教之成立守節四十五年卒

姚氏朱吉人妻年十七歸朱踰歲夫夭遺腹生女氏截髮毀容事孀姑曲盡色養撫姪璜爲嗣訓課有成積紡績貲完祖先葬事捐產以備祀祭守節三十年卒

朱氏庠生張叔彥妻二十四而寡遺孤甫六月氏痛欲殉舅姑諭以撫孤大義始勉啜粥糜守節三十二年卒

沈氏陸士煊妻庠生沈乘女少失怙恃事庶祖母盡孝年十七適士煊士煊爲貧諸生四壁蕭然勤十指以奉舅姑夫歿食貧苦守訓子來復嚴而有法

沈氏貢生陸聖菴妻年十八于歸夫歿無子冰藥自持者五十年

平湖縣志

卷十四

人物

列女

六

劉氏庠生馮樗妻年十八于歸夫亡守節五十餘年卒

趙氏監生何遠妻年三十夫亡翁姑垂老遺子均未成童氏孝慈並至旣而長子夭偕媳王氏相依守志年九十二卒學使旌其門曰雙節

陸氏沈本然妻未婚夫卒獨處小樓屏去鉛華歷十數載不改其操善事舅姑生養死葬無不如禮邑令旌其門

屈氏諸生沈調陽妻年十八歸沈四載夫歿撫

三月遺孤成立姑老賴侍奉以娛朝夕
俞氏諸生陸琳章妻夫亡自縊家人覺而救之
得甦布衣茹素歷數十年無喜容

鄭氏庠生沈昌祚妻幼聰穎習女史夫卒哀號
欲殉父母勸止之逾月不食數日死

徐氏李幼鉉妾夫亡無子遺女甫八月拮据荼
苦三十二年吳學使垣旌其門祠在法華菴

黃氏農民黃玉樓女許字王姓里有金某者窺
而戲之女辱罵不從金怒毀之夫家竟退婚黃

平湖縣志

卷十四

人物

列女

七

痛哭誓死不改適勤紡織以奉親歷數十載貞
心不易比卒數月金舉室被火焚爛死

陸氏庠生馮炳疇妻諸生陸之瀛女年十七歸
炳疇二載疇卒撫孤成立守志終身

施氏庠生張覲光妻貢生施型女年十六適覲
光四載而寡事姑盡孝撫子以慈守節五十年
卒

黃氏庠生陸圃玉妻年二十四而寡痛欲身殉
舅泣止之曰吾年老汝從夫死爲烈婦如不孝

何黃涕泣勉從撫孤成立守節六十五年卒

陳氏諸生張曷妻年二十適曷未幾曷卒哀毀喪明每祭涕泣如初喪守節三十餘年卒

繆氏李西麓妻二十四喪夫脫簪珥以養翁姑至年登七十外奉事不衰

錢氏毛美圖妻未廟見夫夭錢治其喪葬服闋歸寧恩撫其兄子成立獨居四十年

俞氏張光熺妻年二十八而寡守節三十三年卒

平湖縣志

卷十四

人物

列女

十一

戚氏馮天衢妻二十歲而寡撫孤成立守節四十二年卒馬學使給匾旌獎

陸氏楊豈韓妻年二十歲夫亡撫孤成立守節五十六年卒

陸氏孝廉曹與枚妻年二十九夫亡家貧子幼撫孤守節四十餘年如一日踰七十卒

顧氏監生陳陞繼妻年十八歸陳三載夫亡遺孤一歲撫養成人孫曾林立人謂貞節之報

吳貞女許字顧立山年二十二未婚夫歿兄欲

嫁之不可夫兄岳山蚤世妯袁氏亦寡居憐其同志迎歸十年中翁姑繼歿女與袁拮据喪葬并爲所後娶婦乾隆元年卒女年六十袁年八十餘人稱雙節

程氏庠生洪士正妻年二十一夫亡無子撫嗣子慈嚴備至守節十六年卒

俞氏監生張志燻妻年二十七夫亡矢志撫孤子二一庶出氏愛養無異所生其母李亦感動誓相守焉

平湖縣志

卷十四

人物

列女

三

邱氏吳紹武妻年二十五夫歿無子矢志不渝依其弟敏公敏公卜者也事之甚謹寧已饑而不饑其姊寧已寒而不寒其姊鄉黨兩重之宋氏鮑末叔妻年二十八贅鮑末二年夫亡撫數月遺孤迄長隨舅氏力田氏爲拮据娶婦守節四十年卒

馮氏宋秀妻年二十七而寡誓不改適貧無所依賴夫弟炳迎養撫二孤成立海防林緒光旌曰霜節餘徽守節四十六年卒秀從姪國泰妻

富氏年三十夫歿二子長八歲次遺腹食貧苦節依夫兄國楨以居守節三十八年卒時號雙節

沈氏監生陸其默妻年二十六而寡撫子曰堅入成均守節二十七年卒

顧氏葛武揚妻年二十七夫歿翁姑以氏少且無子遣他適誓死不從未幾翁姑辭世氏蓬首鵠面貧苦之狀親戚見者爲涕泣守節三十餘年卒

平湖縣志

卷十四

人物

列女

三

吳氏屠遐眷妻年二十七夫歿善事舅姑喪葬盡禮無嗣

鄭氏王國楨妻國楨病革謂氏曰我父年七十有五母年六十有六兒甫四歲此正黃口相依白頭待養時也汝方二十七歲家甚貧恐不能成我志我死目且不瞑氏涕泣自誓備嘗艱苦卒能奉事二親撫孤成立守節三十八年卒

孫氏余佩金妻年二十夫亡撫三月遺雛事寡姑煢煢茶苦守節五十二年卒其祖姑程氏姑

胡氏姑之娣孫氏姑之女程余氏竝青年守節
林氏陸東陵妻事翁姑以孝聞年二十七夫歿
無子氏撫姪肇晟爲嗣課以詩書復歿遂悲傷
以卒守節二十四年

張氏周雲山妻年二十四雲山歿繼姪球爲嗣
訓以義方得遊庠守節四十二年卒

劉氏許廷鏞妻年二十一夫歿姑以年少無子
令改適氏號泣求自盡嘗三次服滿不死族議
爲立後守節三十餘年卒

平湖縣志

卷十四

人物

列女

齒

徐氏陶鶴鳴妻年二十二夫亡矢志備歷艱辛
守節五十三年卒

沈氏金懋德妻年二十八夫亡遺孤燕昌甫五
齡苦志撫立娶媳過氏燕昌又亡家貧兩寡熒
熒相依里黨重之

馬氏張超衡妻年二十八夫亡遺子女各一俱
襁褓越三歲子又殤撫女成人擇嫁庠生吳廷
樞守節四十年卒氏姪張盈海妻陳氏二十四
歲夫亡無子誓志同穴孝事舅姑喪葬盡禮亦

守節數十年

劉氏屠近硃妻年二十七而寡遺孤又殤歸依母家寄米膳姑爲夫營葬守節三十餘年卒

沈氏陳堂妻年二十夫亡無子以姪元鍾爲子備極艱辛守節三十餘年卒

李氏監生馮九德妻生員李瑤枝女年二十六夫亡撫二孤教之成立次子太平庠生

陸氏生員施德望妻年二十七而寡撫二子天柱天榦相繼遊庠守節二十七年卒

平湖縣志

卷十四

人物

列女

七

徐氏俞錦文妻年二十八而寡撫孤岷瞻成立守節二十三年卒方縣尹以勁節凌霜旌之

曹氏監生趙季馴妻年二十六而寡撫三孤長子遊庠守節五十五年卒

錢貞女嘉善庠生錢應綸女年十六字馮千鶴未婚夫死聞訃守節越二載母歿卻飲食死二姓哀其志迎柩與鶴合葬焉

俞氏方漢英妻年二十一而寡撫孤鉦成立王縣尹以冰操玉節獎之守節五十年卒

陳氏蔡永仲妻年二十八夫歿子甫三齡氏立志撫孤以門祚衰薄迎母氏同居會有妄人犯以非禮之言氏聞憤甚曰我不卽相從地下者以藐孤在耳今受侮若此何生爲泣一日夜以子托其母自經死

柳氏陸天榮妻年二十二夫亡守志撫孤未幾孤復殤長號數日不食死

方孝婦金麒麟妻年二十于歸奉邁姑甚謹踰年目瞽夫亡遇游飢子幼匍匐奉姑乾隆三年

平湖縣志

卷十四

人物

列女

美

秋大風雨屋將傾急抱病姑未出俱死年四十一有二觀者無不悲悼陸太史奎勲作出自西門行紀之

張氏趙思覲妻年二十二適趙甫七月夫亡誓不欲生翁諭以兩叔尚幼亟待撫育始進食撫兩叔光綺光純成人婚娶後俱早卒長叔生子麟祥方一齡撫爲子及長娶媳聶氏生子隆生甫兩歲麟祥夫婦相繼歿氏躬育幼孫拮据衣食至四歲復殤痛哭失明守節五十三年卒

耿氏錢文玉妻年二十六夫歿遺孤歲餘撫之成立守節三十五年卒

王烈女沈奇玉聘妻撫于沈未成婚奇玉因割股致羸疾亡女卽于是日投河死時雍正十三年三月也年二十四知縣郜煜以孝烈維風獎之

潘貞女潘泰女字馮如錫年十八未婚聞如錫訃去飾服縞素作未亡人狀家人慰之曰我知從一而終耳屏居密室跡罕至中庭父歿依兄

平湖縣志

卷十四

人物 列女 老

正宏兄歿依姪世澄馮氏義之爲立嗣國寧延之歸慨然請行遂歸馮守節四十餘年卒

毛氏蔣士魁妻年十三歸蔣爲養媳十六成婚禮未匝月士魁謀生外出久不歸有言已死勸令改適氏誓死靡他夫族無人依母弟居一室足不踰戶母病禱于神願以身代及死慟絕者屢其弟文貴輿隸也拮据苦養善成其志氏亦以鍼黹佐之現年七十

曹氏庠生陸恭先妻恭先早世家無遺貲氏拮

据治喪葬矢志苦守教子遊庠

項烈婦盛理中妻年二十七歸盛事姑以孝稱
理中病瘵卧牀氏勤紡織以奉湯藥夫死無子
有謀令改適者氏曰存則無依嫁則失所吾計
决矣遂投繯自盡時乾隆元年八月二十三日
也

何貞女許聘錢軼千第二子未婚夫天杜門守
貞四十年家貧紡績自給人共欽之

徐氏張甸妻金氏王臣九妻沈氏徐觀亨妻魯

平湖縣志

卷十四

人物

列女

七

氏戴子仁妻王氏俞君達妻鄔氏張鳳翰妻張
氏鈕應元妻張氏屠百齡妻吳氏廩生陸澄明
妻胡氏張班妻皆撫孤子三十內守節至五十
外卒

于氏庠生姚鴻遠妻錢氏曹鍾穎妻金氏王瑞
寰妻皆無子三十內守節至五十外卒

吳氏朱彩妻戴氏諸生馮師伊妻洪氏庠生沈
昊麒妻皆守節四十年卒

